



Bentiaraq Ottosen  
Atassut

UKA 2023/54  
8. november 2023

**Nunat avannarliit siunnersuisooqatigiit Kalaallit Nunaata qanoq  
iluqaqtiginerulersinnaaneraa pillugu apeqquteqaat aallaavigalugu oqallinnissamik  
siunnersuut**

(Inatsisartunut ilaasortaq, Mariane Paviasen, Inuit Ataqtigiit)

Nunat avannarliit siunnersuisooqatigiivi ukiorpassuarni peqataaffigineqartartoq ilisimalluarparput, kisiannilu peqataaneq iluaqutaavallaarsorinarani. Nunat avannarliit siunnersuisooqatigiiffiata annerusumik nunatta peqataaneranut oqartussaasuseqarpalaangitsumik inissisimanera apeqquserneqarsinnaaalluarpoq, uani pineqarmata nunat avannarlerni pissaaneqarluartut peqataammata nunarput iluaqutaavallaangitsumik ilaasarnera eqqarsarnarluartut ilagaat.

Kalaallit Nunaat tassaasariaqarpoq nunani avannarlerni iluaqutaasussaagaluq, pingaartumik issittumi inissisimanera aaliangiisinnanermut annerusumut inissineqarsinnaasariaqartoq isumaqarlunga. Tassuunatigut oqaatigineqarsinnaavoq Kalaallit Nunaat nunani avannarlerni nunani immikkuullarittutut inissisimanera aallaavigineqarsinnaammat. Imartatta annertuumik uummasulissuunera aallaavigineqarsinnaavoq, nunatta isorartunera aallaaviusinnaaalluarpoq. Kisiannilu nunat avannarliit siunnersuisooqatigiit sumut atuuffeqarnerisq apeqquserneqarsinnaavoq.

Avammut kiinnertarnitsinni isumaqarpunga, arlalitsigut periarfissaqartariaqarluta. Soorlu niueqatigiinnikkut periarfissat aallunnerusinnaagaluarpagut, taamaasiorutta angusaqarnerusinnaagaluarpagut. Uku kisimi niuerfissatut isigiuassagutsigit aaliangeeqataasinnaasuseqaratalu isumaqarpunga niaqqugut killormut saatiallakkutsigit niueqatigiinnikkut periarfissat attatilersinnaassagigut uukkarillugillu.

Atassummiit pingaartitatta ilagilluinnarpaat, nunanut allanut niueqateqarnek. Tassani anguneqarsinnaammat nunatsinni aningaasarsiornikkut kaaviaartitsineq. Tassa Atassutip ilisarnaatigilluagaasa ilaat, illuinnaasiunngitsumik oqaloqataasinnaaneq. Nalunngilluinnarparpulli Partiit allat isummagut tigujuartuinnaraat, paasiinnartarparpulli eqeeriartorlutingukua isummagut tigujuartuinnaraat. Taamaattumik isumaqarpunga nunat tamalaat suleqatigissagutsigit niuernek, angallannerlu aallaaviusariaqartut.

Oqareernitsituut nunat avannarliit siunnersuisooqatigiivi sumut atuuffeqarnerisq eqqarsarnartoqartikkippit, pingaaruteqaraluarvammi aaliangiisartoqatigiinni peqataanissaq kisiannilu apeqquserlutigu tamanna, nunarput pisussaaffeqanngimmat qanoq iluaqutaanerulersinnaanera nunarput. Isumaqarpunga atorluarneqaannartoq una, pissutigalugu taakkartorneqaannassaagunaasiit tusarnaartussiaannartut. Tassa taanna eqqortuusooq oqaatigiinnassavara.

Qujanaq isummersulaarsinnaagatta.